

雞峯普濟方卷第三十

馮翊賈兼重校定

備急單方

治中風涎盛少氣不語附子湯

附子壹枚重半兩生去皮臍

右剉如麻子大每服秤一錢水一盞半入生薑秤二錢  
和皮片切同煎至六分去滓溫服不以時

治中風口噤身躄強直羌活紫神湯

羌活壹兩去蘆劉

右以酒三升浸一宿取黑豆一升淘淨炒出煙乘執就  
鍋內以浸藥酒沃之放溫去滓每服半盞日二三服不  
以時候

治中風偏枯積年不羸手足瘦細口面喎僻精神不爽松  
菜酒

青松菜壹斤擇淨細剉

右搗令汁出清酒二斗漬二宿近火一宿去滓日飲二  
三服每服半盞或一盞不以時候以頭面汗為効

治徧躄風痺乾慘脚氣四肢拘攣上氣眼暈肺氣咳嗽消  
食利小便久服輕身桑枝煎

桑枝如箭筈者細剉叁升

右入鍋內炒令黃以水六升煎取三升去滓以重湯再  
煎至二升下白蜜一匙頭黃明膠末一錢同煎成膏每  
服一匙湯化服之食後臨卧

治諸虛風有熱癩癩惡疾耳聾目昏天門冬散

天門冬不以多少去心焙乾

右爲細末每服二錢溫酒調下不以時

治風冷凝滯筋骨疼痛肢躄拘攣語言蹇澁烏龍丹

川烏頭炮去皮臍 五靈脂不夾石者

右各等分爲細末清冷水和如鷄頭大每服一粒生薑  
汁化破溫酒調下日二服

治風痺手足不隨筋脉攣急及風客頭面口目不正痰多  
語澁腸風瀉血烏荊元

川烏頭炮去皮臍壹兩 荊芥穗貳兩

右爲末醋煮麵糊和元如梧桐子大每服二十元白湯



下不以時日二服

治吐逆不定欲生風者宜天南星粥

天南星大者壹枚

右生搗羅爲細末每服一錢研粟米汁三盞慢火煮成  
稀粥放溫緩緩服之

治纏喉風

天南星生

白殭蚕生去絲繭

右各等分爲細末每服半錢白薑自然汁調下不以時  
治忽遍身風疥癢痒

白礬不以多少

右研細以冷水調塗之乾即再塗

又方

樺皮燒灰

右研細以蜜水調服二錢日數服

治破傷風

鰾不以多少燒存性

右研細每服一錢熱酒調下

治骨髓疼痛風毒流灌藏腑及至骨肉者宜虎骨酒

虎骨炙令黃色刮削令淨

右搥碎如米粒大每骨一升以酒三升漬五宿每服一

盞空心溫服

治血風久虛風邪停滯手足痿緩肢躄麻痺及皮膚瘙癢

五痔下血

何首烏 壹斤赤白  
各壹半

芍藥 貳兩赤白  
各壹半

右為細末煮麵糊和元梧桐子大每服三四十元空心

米飲下

治風毒上攻頭昏眼暈菊花散

菊花

芎藭

右各等分為細末每服一二錢食後臨卧茶清調下

治五勞乾瘦咳嗽夢寐不寧

阿魏壹兩真者

右搥碎以乳汁一盞浸軟去沙石研為膏重湯煮如錫  
用炒熟白麵和元梧桐子大每服十粒食前煮羊肉湯

下忌食菜

治五勞肌躄羸瘦食少多汗夢寐紛紜

兒孩兒胎衣一具醋浸二百竹帚火上炙乾

右爲細末入麝香少許同研勻醋煮麵糊和元梧桐子

大每服三十粒空心米飲下日二三服

治虛勞有熱咳嗽膿血口苦咽乾膏滿短氣黃耆散

黃耆肆兩去蘆 甘草壹兩炙

右爲細末每服二錢白湯點服不以時

治勞嗽且輕夕重憎寒壯熱少喜多嗔忽進忽退面色不

潤積漸少食百勞煎

杏仁半兩湯去皮尖兩人者



右以童子小便二升用小口埴瓶一隻浸杏仁七日寫  
出去小便以溫水淘過研如泥別取一埴瓶以小便三  
升煎之如膏以炒細麵糊和如梧桐子大每服十五元  
食後臨卧熟水下

治諸虛不足腹脇疼痛失血少氣不欲飲食噲噲發熱及  
婦人經病月事不調萬病元

熟乾地黄切焙

當歸去苗切焙

右各等分爲細末後煉蜜和如梧桐子大每服二三十  
粒食前白湯下

治虛極羸瘦面色痿黃咳嗽短氣咯唾有血尿即精出  
黃明膠搗碎燬火麩炒成珠子



右為細末每服二錢温酒調下米飲亦可

治虚勞腰脚無力久服令人強健

麋角镑為屑入酥少許慢火炒黃色秤五兩

附子炮去皮臍半兩

右為細末酒煮麵糊和元梧桐子大每服五十粒空心

温酒下

治虚勞失精羸瘦酸削少氣惡聞人聲

韭子不以多少炒香

右搗為細末每服二錢空心温酒調下

治氣脹不下食除惡氣

木香

訶梨勒去核

右各等分為細末以沙糖水煮麵糊和元梧桐子大每服三五十粒溫酒下不以時

治五膈五噎飲食不下肌膚羸瘦橘皮元

橘皮不以多少只揀陳久者不去白

右為細末研大蒜和為膏如櫻桃大每服一二粒白湯嚼下不以時

治大氣上奔氣急不得卧呼吸氣寒

桂去皮取有味處

右剉碎每服秤一錢以水一盞煎至六分去滓溫服不以時候

治膏痺膏背引痛

半夏湯洗七遍片切焙乾

桂去皮碎剉

右各等分拌勻每服二錢水一盞入生薑五片同煎至六分去滓溫服不以時

治膀胱小腸氣痛桃仁膏

桃仁湯去皮尖兩人者麩炒赤色研細

茴香炒香為末

右各等分同研勻每服二錢先以葱白三寸煨熟去袴研為膏同以熱酒調下空心

治三焦氣壅大便秘滯

陳橘皮不去白為末參兩

杏仁湯去皮尖兩人者麩炒研壹兩壹分



右合研勻煉蜜和元梧桐子大每服五七十粒熟水下  
不以時候

治老人虛人津液減少大便秘澀

麻子仁半兩

右以水研取濃汁煎熟下粳米煮為粥任意食之以大  
便流利為度

治陰陽痞滿吐逆粥藥不下二氣元

硫黃

水銀

右各等分研勻於無油銚子內慢火炒令變色再研如  
粉水煮麵糊和菜豆大每服十粒十五粒丁香湯下小  
兒量大小與之



治脾胃虛弱飲食減少易傷難化無力肌瘦膠飴煎

乾薑炮裂為細末

右以白錫剉如櫻桃大以新水過入鐵銚子灰火中煨  
冷溶和薑末梧子大每服三十粒空心米飲下

調適陰陽和養榮衛治心腎氣痞飲食不進凡傷寒陰陽  
不分服之氣正二和散

藿香葉

香附子去皮

右各等分為麁末每服一錢水二盞同煎至六分去滓  
溫服不以時

消穀進食治脾胃虛冷腹脇脹滿藏府不調消穀元

吳茱萸 大麥蘖 神麴炒

右各等分爲細末煉蜜和元梧桐子大每服三十元空心米飲下

治傷寒冷熱不和心腹痞滿時發疼痛順陰陽消痞悶

桔梗去蘆

枳殼麩炒去瓢

右各等分爲麁末每服二錢水一盞同煎至六分去滓溫服不以時

治一切寒冷心腹疼痛疝瘕瘰癧攻刺發歇

川烏頭炮去皮臍剉碎

右每服秤一錢水一大盞入蜜半匙頭慢火煎至六分去滓溫服空心

治痼冷陳寒傷寒陰盛手足厥逆自利自汗脈短氣急嘔

逆煩躁

生硫黃研如粉

右以湯浸饑餅和元如梧桐子大每服三五十二元煎艾  
菜湯下不以時

治傷寒陰盛隔陽身冷煩躁脉細沉緊

附子壹枚重半兩者

右慢火燒存三分性放冷爲末研入臈茶一大錢共分  
二服每服以水二盞蜜半匙頭同煎至六分去滓溫服  
不以時須臾躁止得睡汗出而解

治大瀉不止及霍亂吐瀉脉微不渴

附子壹枚重半兩者炮去皮臍



右爲細末每服三錢水一盞半入鹽半錢同煎至六分去滓溫服不以時

治水瀉及霍亂心腹疼痛不可忍者

良薑不以多少剉如麻子大

右每服二錢水一盞同煎至六分去滓溫服不以時

治菓菜所傷腹脹氣急心腹刮痛

桂去皮取有味處剉碎

右每服二錢水一盞同煎至六分去滓溫服不以時

治卒暴心痛不可忍者

五苓脂不夾石者

右爲細末每服二錢熱酒調下婦人醋湯下



治脾胃濕冷下利膿血腹中疼痛

大艾葉肆兩

乾薑壹兩炮

右為細末醋煮麵糊和元如梧桐子大每服三五十元  
空心米飲下兼治婦人經血不止

治寒瘧久不差食少羸瘦及藏腑滑泄

乾薑炮

良薑

右各等分為細末酒煮麵糊和如梧桐子大每服三十  
元空心米飲下

治吐血衄血溺血

亂頭髮燒灰

右研細每服一二錢米飲調下衄者吹入鼻中